

فرصة ثانية

خَـدَت ضربة .. وقعت أرض
العقارب في الساعات اتكسروا
والسنين بأمرك انتَ وَقَّـفُوا عَد
إِـتـبـألى في طريقي ألف سد
وانتَ طبعاً كنت فاكـر
إـنـى بـعـدك شـيء ضعيف
وإن بُـعـدك مـوت مخيف
خلاص سـرـحت ؟!
طب متخيلش تانى لو سمحت
الحقيقة إن بُـعـدك ألف خير
وإنى في غيابك بقيت أقوى كثير
حاسة نفسى كأني طير

واتفتح له باب قفص

شاف السما

بعد ما عاش عمره أسير

ف جاي تتناقش ف إيه ؟

جاي تتناقش في إيه ؟!

فرصة تانية ؟!!

الحياة دي يا بني فانية

والسنين بتجيب سنين

والموت بيعجي مرة واحدة

ف مين يروح له مرتين !!

هل شفت أعمى بعد أما فتّح

إختار يعيش من غير عينين ؟

فرصة تانية !!

طب بس تانية..

شفت نفسك في مرايتي؟
قرأت دورك ف الحكاية !
أنا كنت وهبالك روايتي
و كنت كتبالك بطولة
طلعت .. ضيف
شئ سخيـف
مش كدا!!
ولا كنت تتخيل
ولا كنت تتصوّر
إن الزمن دوّر
أصلك كسرت إزاز
ف طبعي تتعور
يمكن أنا الغلطان
إن كنت صدقتك

يمكن صحيح أعمى

لو وقتها إختارتك

الوضع كان مقلوب

دلوقتي إتصحح

القلب أعمى غشيم

دلوقتي .. أنا مفتح !